

水經注匯校卷二

江西新城楊希閔卧雲校本

後 魏 鄺 道 元 撰

河水

又南入蔥嶺山又從蔥嶺出而東北流

河水重源有三非惟二也一源西出捐毒之國蔥嶺之上西去休循二百餘里皆故塞種也南屬蔥嶺高千里西河舊事曰蔥嶺在敦煌西八千里其山高上生蔥故曰蔥嶺也河源潛發其嶺分為二水一水西逕休循國南在蔥嶺西郭義恭廣志曰休循國居蔥嶺其山多大蔥又逕難兜國北北接休循西南去罽賓國三百四十里河水又西逕罽賓國北

案此九字原本及近刻竝訛作經考注敘蔥嶺之水先載蔥嶺分源西流逕休循

水經注匯校 卷二

一

難兜罽賓月氏安息入雷菑海之水不得與經文淆紊今改正月氏之破塞王南君罽賓

治循鮮城土地平和無所不有金銀珍寶異畜奇物踰于中夏大國也山險有大頭痛小頭痛之山赤土身熱之阪人畜同然何水又西逕月氏國南治監氏城其俗與安息同匈奴冒頓單于破月氏殺其王以頭為飲器國遂分遠過大宛西居大夏為大月氏其餘小眾不能去者共保南山羌中號小月氏故有大月氏小月氏之名也又西逕安息國南城臨媯水地方數千里最大國也有商賈車船行旁國畫革旁行為書記也河水與蜺羅跋禰水同注雷菑

案此十三字原本及近刻竝訛作經今考注內敘蔥嶺西流之水終於此釋氏西域記曰蜺

羅跋禰出阿耨達山之北西逕于闐國漢書西域傳曰于

闐之西水皆西流注西海又西逕四大塔北案此七字原訛作經考注內言蔥嶺西流之水因連及蜺羅跋禰水逕于闐四大塔陀衛安息同入雷菡海亦不得與經文滄素今改釋法顯所謂糺尸羅國漢言截頭也佛為菩薩時以頭施人故因名國國東有投身餉餓虎處皆起塔又西逕捷陀衛國北是阿育王子法益所治邑佛為菩薩時亦於此國以眼施人其處亦起大塔又有弗樓沙國天帝釋變為牧羊小兒聚土為佛塔法王因而成大塔所謂四大塔也法顯傳曰國有佛鉢月氏王大興兵眾來伐此國欲持鉢去置鉢象上象不能進更作四輪車載鉢八象共牽復不進王知鉢緣未至于是起塔留鉢供養鉢容二斗雜色而黑多四際分明厚可二分甚光澤貧人以少花投中便

水經注匯校 卷二

滿富人以多花供養正復百千萬斛終亦不滿佛國謂曰佛鉢青玉也受三年許彼國寶之供養時願終日香花不滿則如言願一把滿則亦便如言又按道人竺法維所說佛鉢在大月支國起浮圖高三千丈七層鉢處第二層金絡絡鎖縣鉢鉢是青石或云懸鉢虛空須菩提置鉢在金机上佛一足跡與鉢共在一處國王臣民悉提梵香七寶璧玉供養塔跡佛牙袈裟頂相舍利悉在弗樓沙國釋氏西域記曰捷陀越王城西北有鉢吐羅越城佛袈裟王城也東有寺重復尋川水西北十里有河步羅龍淵佛到淵上浣衣處浣石尙存其水至安息注雷菡海案注內敘蜺羅跋禰水終於此又曰捷陀越西西海中有安息國竺枝扶南記曰安息

國去私訶條國二萬里國土臨海上卽漢書天竺安息國也戶近百萬最大國也漢書西域傳又云黎軒條支臨西海長老傳聞條支有弱水西王母亦未嘗見自條支乘水西行可百餘日近日所入也或河水所通西海矣故涼土異物志曰蔥嶺之水分流東西西入大海東爲河源禹記所云崑崙者焉張騫使大宛而窮河源謂極於此而不達于崑崙也河水自蔥嶺分源東逕迦舍羅國釋氏西域記曰有國名伽舍羅逝此國狹小而總萬國之要道無不由城南有水東北流水羅逝西山山卽蔥嶺也逕岐沙谷出谷分爲二水一水東流逕無雷國北治盧城其俗與西夜子合同又東流逕依耐國北去無雷五百四十里俗同子

水經注匯校

卷二

三

合河水又東逕蒲犁國北治蒲犁谷北去疏勒五百五十里俗與子合同河水又東逕皮山國北案此九字原本及近刻竝訛作經考注文蔥嶺河自岐沙谷分爲二此先敘南河逕無雷依耐蒲犁皮山而東合于闐河不得與經淆紊今改正皮山城西北去莎車三百八十里

其海一源出于闐國南山北流與蔥嶺所出河合又東注蒲昌

河水又東與于闐河合南源導于闐南山俗謂之仇摩置自置北流逕于闐國西治西城土多玉石西去皮山三百八十里東去陽關五千餘里釋法顯自僞夷閩案舊本鳥依戴西南行路中無人民沙行艱難所逕之苦人理莫比趙校在道一月五日得達于闐其國殷庶民篤信多大乘學威

儀齊整器鉢無聲城南十五里有利利寺中有石鞞石上有足跡彼俗言是辟支佛跡法顯所不傳疑非佛跡也又西北流注于河案此七字原本及近刻並訛作經今考即經所謂北注蔥嶺河也南河又東逕于闐國北案此九字刻並訛作經考上下文並注內敘蔥嶺南河逕于闐扞彌精絕且末鄯善入牢蘭海不得與經文淆紊今改正釋氏西域記曰河水東流三千里至于闐屈東北流者也漢書西域傳曰于闐已東水皆東流南河又東北逕扞彌國北治扞彌城西去于闐三百九十里南河又東逕精絕國北西去扞彌四百六十里南河又東逕且末國北又東右會阿耨達大水釋氏西域記曰阿耨達山西北有大水北流注牢蘭海者也其水北流逕且末南山又北逕且末城

水經注匯校

卷二

四

西國治且末城西通精絕二千里東去鄯善七百二十里種五穀其俗略與漢同又曰且末河東北流逕且末北又流而左會南河會流東逝通爲注濱河注濱河又東逕鄯善國北治伊循城故樓蘭之地也樓蘭王不恭于漢元鳳四年霍光遣平樂監傅介子刺殺之更立後王漢又立其前王質子尉屠耆爲王更名其國爲鄯善百官祖道橫門王自請天子曰身在漢久恐爲前王子所害國有伊循城土地肥美願遣將屯田積粟令得依威重遂置田以鎮撫之敦煌索勸字彥義有才略刺史毛奕表行貳師將軍全氏祖望曰貳師之官後漢所無且其時刺史秩卑不得表行將軍也何氏曰其事無可考將酒泉敦煌兵千人至樓蘭屯田起白屋召鄯善焉耆龜茲三國兵各

千橫斷注濱河河斷之日水奮勢激波陵冒堤勸厲聲曰
王尊建節河堤不溢王霸精誠呼沱不流水德神明古今
一也勸躬禱祀水猶未減乃列陣被杖鼓譟謹叫且刺且
射大戰三日水乃迴減灌浸沃衍胡人稱神大田三年積
粟百萬威服外國其水東注澤案注內敘蔥嶺南河澤在樓蘭國北并泥城其俗謂之東故城去陽關千六百里西北去烏壘千七百八十五里至墨山國千八百六十五里西北去車師千八百九十里土地沙鹵少田仰穀旁國國出玉多葭葦檉柳胡桐白草國在東垂當白龍堆乏水草常去發導負水擔糧迎送漢使故彼俗謂是澤為牢蘭海也釋氏西域記曰南河自于闐東於北三千里至鄯善入

水經注匯校

卷二

五

牢蘭海者也北河自岐沙東分南河即釋氏西域記所謂

二支北流逕屈茨烏夷禪善入牢蘭海者也北河又東北

流分為二水枝流出焉北河自疏勒逕流南河之北案此

五字原本及近刻竝訛作經考注文蔥嶺河自岐沙谷分

為二此敘北河逕疏勒温宿姑墨龜茲墨山注賓樓蘭入

蒲昌海不得與釋氏西域記閔案釋氏記曰蔥嶺以東南

北有山相距千餘里東西六千里河出其中案以上約舉

之文近刻西域上行釋氏二字朱謀瑋箋謂當作釋氏西

域記非也閔案漢書無此交不得云約舉漢書二字乃

下文混入耳暨于温宿之南左合枝水枝水上承北河于

疏勒之東西北流逕疏勒國南又東北與疏勒北山水合
水出北溪東南流逕疏勒城下漢書西域傳曰全氏祖望
車以下三句是引漢書南去南去莎車五百六十里有市

上脫漢書西域傳曰六字

列西趙氏一清曰有市列西箋云宋本無西字當大月氏

大宛康居道釋氏西域記曰國有佛浴牀赤真檀木作之

方四尺王于宮中供養漢永平十八年耿恭以戊己校尉

為匈奴左鹿蠡王所逼恭以此城側澗傍水自金蒲遷居

此城匈奴又來攻之壅絕澗水恭于城中穿井深一十五

丈不得水吏士渴乏竿馬糞汁飲之恭乃仰天歎曰昔貳

師拔佩刀刺山飛泉湧出今漢德神明豈有窮哉整衣服

向井再拜為吏士禱之有頃水泉奔出眾稱萬歲乃揚水

以示之虜以為神遂即引去後車師叛與匈奴攻恭食盡

窮困乃煮鎧弩食其筋革恭與士卒同生死咸無二心圍

恭不能下關寵上書求救建初元年章帝納司徒鮑昱之

水經注匯校 卷二

言遣兵救之至柳中以校尉關寵分兵入高冒壁攻交河

城車師降遣恭軍吏范羌將兵二千人迎恭遇大雪丈餘

僅能至城中夜聞兵馬大恐羌遙呼曰我范羌也城中皆

稱萬歲開門相持涕泣尙有二十六人衣履穿決形容枯

槁相依而還枝河又東逕莎車國南案此九字原本及近

文北河至温宿合枝河因敘枝河逕疏勒莎車至温宿而

入北河此枝河所逕不得為北河蓋注訛作經於是枝河

相亂後人治莎車城西南去蒲犁七百四十里漢武帝開

西域屯田於此有鐵山出青玉枝河又東逕温宿國南案

九字近刻訛作北河之東南逕温宿國又原本及近刻並

訛作經考上下文皆敘枝河所逕此北字亦屬後人妄改

正今訂治温宿城土地物類與鄯善同北至烏孫赤谷六百

一十里東通姑墨二百七十里于此枝河右入北河案注

枝河終於此北河又東逕姑墨國南案此九字原本及近刻並訛作經今考以下皆注內

敘蔥嶺北姑墨川水注之水導姑墨西北歷赤沙山東南

流逕姑墨國西治南城南至于闐馬行十五日土出銅鐵

及雌黃其水又東南流右注北河北河又東逕龜茲國南

又東左合龜茲川水有二源西源出北大山南釋氏西域

記曰屈茨北二百里有山夜則火光晝日但煙人取此山

石炭治此山鐵恒充三十六國用故郭義恭廣志云龜茲

能鑄治其水南流逕赤沙山釋氏西域記曰國北四十里

山上有寺名雀離大清淨又出山東南流枝水左派焉又

東南水流三分右二水俱東南流注北河東川水出龜茲

東北歷赤沙積梨南流枝水右出西南入龜茲城音屈茨

水經注匯校 卷二

也全氏祖望曰音屈茨也四字注中注故延城矣西去姑墨六百七十里川

水又東南流逕于輪臺之東也昔漢武帝初通西域置校

尉屯田于此搜粟都尉桑弘羊奏言故輪臺以東地廣饒

水草可溉田五千頃以上其處溫和田美可益通溝渠種

五穀收穫與中國同時匈奴弱不敢近西域于是徙莎車

相去千餘里即是臺也其水又東南流右會西川枝水水

有二源俱受西川東流逕龜茲城南合為一水水間有故

城蓋屯校所守也其水東南注東川東川水又東南逕烏

壘國南治烏壘城西去龜茲三百五十里東去玉門陽關

二千七百三十八里與渠犁田官相近土地肥饒于西域

為中故都護治焉漢使持節鄭吉并護北道故號都護都

護之起自吉置也其水又東南注大河大河又東右會敦
薨之水其水出焉者之北敦薨之山在匈奴之西烏孫之
東山海經曰敦薨之山敦薨之水出焉而西流注于泐澤
出于崑崙之東北隅實惟河源者也二源俱道西源東流
分爲二水左水西南流出于焉者之西逕流焉者之野屈
而東南流注于敦薨之渚右水東南流又分爲二左右焉
者之國城居四水之中在河水之洲治員渠城西去烏壘
四百里南會兩水同注敦薨之浦東源東南流分爲二水
澗瀾雙引洪湍濬發俱東南流逕出焉者之東導于危須
國西國治危須城西去焉者百里又東南注流于敦薨之
藪川流所積潭水斯漲溢而爲海史記曰焉者近海逕尉

水經注匯校

卷二

八

犁國國治尉犁城西去都護治所三百里北去焉者百里
其水又西出沙山鐵關谷又西南流逕連城別注閔案趙本別注
作引裂以爲田桑弘羊曰臣愚以爲連城以西可遣屯田
以威西國卽此處也其水又屈而南逕渠國西故史記曰
西有大河卽斯水也又東南流逕渠犁城西北去烏壘三
百三十里漢武帝通西域屯渠犁卽此處也南與精絕接
東北與尉犁接又南流注于河山海經曰敦薨之水西流
注于泐澤蓋亂河流自西南注也河水又東逕墨山國南
趙氏一清曰漢書脫去墨作山國云師古凡解之不知居何山治何城觀酈注甚分明可補史傳之闕文正小顏之曲
說治墨山城西至尉犁二百四十里河水又東逕注賓
城南又東逕樓蘭城南而東注蓋瓌田士所屯全氏祖望曰瓌田士

卽屯田故城禪國名耳河水又東注于泐澤卽經所謂蒲

卒也昌海也水積鄯善之東北龍城之西南龍城故姜賴之虛

按近刻訛作靈何焯曰當時北方書體皆作八分小篆靈虛諸字字形相類傳寫致譌胡之大國也

蒲昌海溢盪覆其國城基尙存而至大晨發西門暮達東

門澮其崖岸餘溜風吹稍成龍形西面向海因名龍城地

廣千里皆爲鹽而剛堅也行人所逕畜產皆布氈卧之掘

發其下有大鹽方如巨枕以次相累類霧起雲浮寡見星

日少禽多鬼怪西接鄯善東連三沙爲海之北隘矣故蒲

昌亦有鹽澤之稱也山海經曰不周之山北望諸毗之山

臨彼岳崇之山東望泐澤河水之所潛也其源渾渾泡泡

者也東去玉門陽關千三百里案漢書西域傳蒲昌海去玉門陽關三百餘里後漢

水經注匯校

卷二

書同水經注作千三百里足證二書皆脫千字廣輪四百里其水澄渟冬夏不減

其中洄湍雷閱案電改雷轉爲隱淪之脈當其還流之上

飛禽奮翻于霄中者無不墜于淵波矣卽河水之所潛而

出于積石也

又東入塞過敦煌酒泉張掖郡南

閱案戴本自此條起爲河水三

河自蒲昌有隱淪之證並間關入塞之始自此經當求實

致也河水重源又發于西塞之外出于積石之山山海經

曰積石之山其下有石門河水冒以西流是山也萬物無

不有禹貢所謂導河自積石也山在西羌之中燒當所居

也延熹二年西羌燒當犯塞護羌校尉段熲討之追出塞

至積石山斬首而還司馬彪曰西羌者自析支以西濱于

河首左右居也。河水屈而東北流，逕析支之地，是為河曲矣。應劭曰：禹貢析支屬雍州，在河關之西，東去河關千餘里。羌人所居，謂之河曲羌也。東北歷敦煌，酒泉張掖南，應劭地理風俗記曰：敦煌，案下酒泉張掖皆釋其義，此當有脫文。漢書注引應劭曰：敦大也。煌盛也。酒泉其水甘苦酒味，故也。張掖言張國，孽掖以威羌狄也。說文曰：郡，制天子地方千里，分為百縣。縣有四郡，故春秋傳曰：上大夫縣，下大夫郡。至秦始皇置三十六郡，以監縣矣。從邑，君聲，釋名曰：郡，羣也。人所羣聚也。黃義仲十三州記曰：郡之言君也。改公侯之封而言君者，至尊也。郡守專權，君臣之禮彌崇。今郡字君在其左，邑在其右，君為元首，邑以載民，故取名于君，謂之郡。漢官曰：秦用李斯議分天下

水經注匯校

卷二

為三十六郡。凡郡或以列國，陳魯齊吳是也。或以舊邑，長沙丹陽是也。或以山陵，太山山陽是也。或以川原，西河河東是也。或以所出，金城城下得金，酒泉泉味如酒，豫章樟樹生庭，鴈門鴈之所育是也。或以號合，禹合諸侯大計，東治之山，因名會稽是也。河逕其南而纏絡遠矣。河水自河曲又東逕西海郡南。案此十二字原本及近刻並訛作經，又訛作河水自東河曲考注義乃承上河曲之文，今改正。漢平帝時王莽秉政，欲耀威德，以服遠方，諷羌獻西海之地，置西海郡，而築五縣焉。周海亭燧相望，莽篡政紛亂，郡亦棄廢。全氏祖望曰：五縣修遠，監羌與武罕虜其地，攻走西海太守程永。河水又東逕允川，而歷大榆小榆谷。北羌迷唐鍾存所居也。永元五年，貫友代聶尙為護羌校尉，攻迷

唐斬獲八百餘級收其熟麥數萬斛於逢留河上築城以盛麥且作大船于河峽作橋渡兵迷唐遂遠依河曲永元九年迷唐復與鍾存東寇而還十年謁者王信耿譚西擊迷唐降之詔聽還大小榆谷迷唐謂漢造河橋兵來無時故地不可居復叛居河曲與羌爲讎種人與官兵擊之允川去迷唐數十里營止遣輕兵挑戰因引還迷唐追之至營因戰迷唐敗走於是西海及大小榆谷無復聚落隃糜相曹鳳上言建武以來西戎數犯法常從燒當種起所以然者以其弓大小榆谷土地肥美又近塞內與諸種相傍南得鍾存以廣其衆北阻大河因以爲固又有西海魚鹽之利緣山濱河以廣田蓄故能疆大常雄諸種今黨援沮

水經注匯校

卷二

壞親屬離叛其餘兵不過數百宜及此時建復西海郡縣規固二榆廣設屯田隔塞羌胡交關之路殖穀富邊省輪轉之役上拜鳳爲金城西部都尉遂開屯田二十七部列屯夾河與建威相首尾後羌反遂罷按段國沙州記吐谷渾于河上作橋謂之河厲長百五十步兩岸累石作基陛節節相次大木從橫更鎮壓兩邊俱平相去三丈並大材以板橫次之施鉤欄甚嚴飾橋在清水川東也

又東過隴西河關縣北洮水從東南來流注之

全氏祖望曰施廷樞謂水

經全用後漢地名不然河關故屬金城郡也上曲陽之稱中山亦其證因河關之屬隴西而知水經爲東京以後作義最精密予嘗謂山海經亦成于後漢故其稱河關亦曰隴西也

河水右逕沙州北段國曰澆河西南百七十里黃沙沙

南北二十里東西七十里西極大楊川望黃沙猶若人委乾糲於地。何氏焯曰舊作干糲是晉人帖中多以干爲乾趙氏一清曰初月帖淡悶干嘔是以干爲乾

都不生草木蕩然黃沙周迴數百里沙州于是取號焉地

理志曰漢宣帝神爵二年置河關縣蓋取河之關塞也。齊氏

召南曰今本漢書是文在破羌縣下豈誤移于河關與抑俱有而一存一脫與全氏祖望曰案道元注於破羌縣

亦有此語而所引是應劭說則知此是班固河關之本注而應劭又再注之于破羌今本漢書於河關下失去元注

於破羌下復脫應劭曰三字猶幸是文有可攷爾風俗通曰百里曰同總名爲縣

縣立也首也從系倒首舉首易偏矣。案此句有脫誤未詳言當立靜

平徭役也釋名又曰縣懸也懸於郡矣黃義仲十三州記

曰縣弦也弦以貞直言下體之居鄰民之位不輕其誓施

繩用法不曲如弦聲近縣故以取名今系字在半也。案此

水經注匯校卷二

句有脫誤未詳漢高帝六年令天下縣邑城張晏曰令各自築其

城也河水又東北流入西平郡界左合二川南流入河又

東北濟川水注之。案此二十七字原本及近刻竝訛作經今考上文河關縣至後敘洮水皆依經

爲注水西南出濫瀆東北流入大谷謂之大谷水北逕澆河

城西南北流注于河河水又東逕澆河故城北有二城東

西角倚東北去西平二百二十里宋少帝景平中拜吐谷

渾阿豺爲安西將軍澆河公卽此城也河水又東北逕黃

川城河水又東逕石城南左合北谷水昔段熲擊羌于石

城投河墜坑而死者八百餘人卽于此也河水又東北逕

黃河城南西北去西平二百一十七里河水又東北逕廣

違城北右合烏頭川水水發遠川引納支津北逕城東而

北流注于河河水又東逕邯川城南城之左右歷谷有二
水導自北山南逕邯亭注於河河水又東臨津溪水注之
水自南山北逕臨津城西而北流注于河河水又東逕臨
津城北白土城南十三州志曰左南津西六十里有白土
城城在大河之北而爲緣河濟渡之處魏涼州刺史郭淮
案淮爲雍州刺史此云涼州誤破羌遮塞於白土卽此處矣河水又東左
會白土川水水出白土城西北下東南流逕白土城北又
東南注於河河水又東北會兩川右合二水參差夾岸連
壤負險相望河北有層山山甚靈秀山峯之上立石數百
丈亭亭桀豎競勢爭高遠望慘慘若攢圖之託霄上其下
層巖峭舉壁岸無階懸巖之中多石室焉室中若有積卷

水經注匯校

卷二

三

矣。而世士罕有津達者。

案達近刻作逮何氏焯曰歸太僕家鈔本趙清常校本皆作津造

仍舊戴因謂之積書巖巖堂之內每時神人往還矣蓋鴻衣

羽裳之士練精餌食之夫耳俗人不悟其仙者乃謂之神

鬼彼羌目鬼曰唐述復因名之爲唐述山指其堂密之居

謂之唐述窟其懷道宗玄之士皮冠淨髮之徒亦往棲託

焉故秦川記曰

趙氏一清曰秦川當作秦州秦州記郭仲產撰劉昭郡國志補注引之

河峽

崖傍有二窟一曰唐述窟高四十丈西二里有時亮窟高

百丈廣二十丈深三十丈藏古書五筭亮南安人也下封

有水

案下封未詳疑是地名全氏祖望曰下封卽下邳也字不誤元和郡縣志云避後魏道武諱改夏封

導自是山溪水南注河謂之唐述水河水又東逕

閱案逕字依趙

本据全

校改野亭南又東北流歷研川謂之研川水又東北注

於河謂之野亭口。河水又東，歷鳳林北鳳林山名也。五巒俱峙者，彦云昔有鳳鳥飛遊五峰，故山有斯目矣。秦州記曰：枹罕原北名鳳林川，川中則黃河東流也。河水又東，與灘水合。水導源塞外，羌中故地理志曰：其水出西塞外，東北流，歷野虜中，逕消銅城西，又東北逕列城東。考地說無目，蓋出自戎方矣。左合列水，水出西北，溪東北流，逕列城北，右入灘水。城居二水之會也。灘水又北逕可石孤城西，西戎之名也。又東北，右合黑城溪水，水出西北山下，東南流，逕黑城南，又東南，枝水左出焉。又東南，入灘水。灘水又東北，逕榆城東，榆城溪水注之。水出素和細越西北山下，東南流，逕細越川。夷俗鄉名也。又東南，出狄周峽，東南右

水經注匯校

卷二

西

合黑城溪之枝，津津水上承溪水。東北逕黑城東，東北注之。榆溪又東南，逕榆城南，東北注灘水。灘水又東北，逕石門口，山高險峻絕，對岸若門，故峽得厥名矣。疑卽皋蘭山門也。漢武帝元狩三年，驃騎霍去病出隴西，至皋蘭，謂是出之關塞也。應劭漢書音義曰：趙氏一清曰：隋書經籍志四卷孟康漢書音義九卷今注。引二家之言，各加姓名以別之。皋蘭在隴西白石縣塞外，河名也。孟康曰：山關名也。今是山去河不遠，故論者疑曰：河山之間矣。又曰：皋蘭本山名，應劭以爲河名。孟康以爲山關名，故又以論者疑曰：河山之間釋之。灘水又東北，皋蘭山水自山左右翼注。灘水灘水又東，白石川水注之。水出縣西北山下，東南流，枝津津東注焉。白石川水又南，逕白石城西，而注灘水。灘水又東，逕白石縣故

城南王莽更曰順礫關騶曰白石縣在狄道西北二百八十五里灘水逕其北今灘水逕其南而不出其北也灘水又東逕白石山北應劭曰白石山在東羅溪水注之水出西南山下東入灘水灘水又東左合罕并南溪水水出罕并西東南流逕罕并南注之十三州志曰廣大阪在枹罕西北罕并在焉昔慕容吐谷渾自燕歷陰山西馳而創居於此灘水又東逕枹罕縣故城南應劭曰故枹罕侯邑也十三州志曰枹罕縣在郡西二百一十里趙氏一清曰枹罕縣漢志屬金城郡續志屬隴西郡灘水在城南門前東過也灘水又東北故城川水注之水有二源南源出西南山下東北流逕金紐大嶺北又東北逕一故城南又東北與北水會北源自西南逕

水經注匯校

卷二

五

故城北右入南水亂流東北注灘水灘水又東北左合白石川之枝津水上承白石川東逕白石城北又東絕罕并溪又東逕枹罕城南又東入灘水灘水又東北出峽北流注于河地理志曰灘水出白石縣西塞外東至枹罕入河河水又逕左南城南十三州志曰石城西一百四十里有左南城者也津亦取名焉大河又東逕赤岸北即河夾岸也秦州記曰枹罕有河夾岸岸廣四十丈義熙中乞佛于此河上作飛橋橋高五十丈三年乃就河水又東洮水注之案此八字原本及近刻竝訛作經朱謀埠箋於前經文欲改洮水為澆水由不察此屬注文耳地理志曰水出塞外羌中沙州記曰洮水與墊江水俱出嶺臺山山南即墊江源山東則洮水源山海經曰白水出蜀郭景

純注云從臨洮之西傾山東南流入漢而至墊江故段國以爲墊江水也洮水同出一山故知嶺臺西傾之異名也洮水東北流逕吐谷渾中吐谷渾者始是東燕慕容之枝庶因氏其字以爲首類之種號也故謂之野虜自洮嶺南北三百里中地草徧是龍鬚而無樵柴洮水又東北流逕洮陽曾城北沙州記曰嶺城東北三百里有曾城城臨洮水者也建初二年羌攻南部都尉于臨洮上遣行車騎將軍馬防與長水校尉耿恭救之諸羌退聚洮陽卽此城也洮水又東逕洪和山南城在四山中洮水又東逕迷和城北羌名也又東逕甘樹亭歷望曲在臨洮西南去龍桑城二百里洮水又東逕臨洮縣故城北禹治洪水西至洮水

水經注匯校

卷二

未

之上見長人受黑王書于斯水上洮水又東北流屈而逕索西城西建初二年馬防耿恭從五溪祥楹谷出索西與羌戰破之築索西城徙隴西城南部都尉居之俗名赤水城亦曰臨洮東城也沙州記曰從東洮至西洮百二十里者也洮水又屈而北逕龍桑城西而西北流馬防以建初二年從安故五溪出龍桑開道舊路者也俗名龍城洮水又西北逕步和亭東步和川水注之水出西山下東北流出山逕步和亭北東北注洮水洮水又北出門峽歷求厥川葦塏閔案加塏字依趙本趙云下文有葦塏川可證川水注之水出桑嵐西溪東流歷桑嵐川又東逕葦塏川北東入洮水洮水又北歷峽逕偏橋出夷始梁右合葦塏川水水東南出石底橫

下北歷葦塏川西北注洮水洮水又東北逕桑城東又北
會藍川水水源出求厥川西北溪東北流逕藍川歷桑城
北東入洮水洮水又北逕外羌城西又北逕和博城東城
在山內左合和博川水水出城西南山下東北逕和博城
南東北注于洮水洮水北逕安故縣故城西地理志隴西
之屬縣也十三州志曰縣在郡南四十七里蓋延轉擊狄
道安故五溪反羌大破之卽此也洮水又北逕狄道故城
西關駟曰今日武始也洮水在城西北流又北隴水注之
卽山海經所謂濫水也水出鳥鼠山西北高城嶺西逕隴
坻其山岸崩落者聲聞數百里故揚雄稱響若坻頽是也
又西北歷白石山下地理志曰狄道東有白石山濫水又

水經注匯校

卷二

七

西北逕武街城南又西北逕狄道故城東百官表曰縣有
蠻夷謂之道公主所食曰邑應劭曰反舌左旌不與華同
須有譯言乃通也漢隴西郡治秦昭王二十八年置應劭
曰有隴坻在其東故曰隴西也神仙傳曰封君達隴西人
服鍊水銀年百歲視之如年三十許騎青牛故號青牛道
士王莽更郡縣之名郡曰厭戎縣曰操虜也昔馬援爲隴
西太守六年爲狄道開渠引水種杭稻而郡中樂業卽此
水也濫水又西北流注于洮水洮水右合二水左會大夏
川水水出西山二源合舍而亂流逕金紐城南十三州志
曰大夏縣西有故金紐城去縣四十里本都尉治又東北
逕大夏縣故城南地理志王莽之順夏晉書地道記曰縣

有禹廟禹所出也又東北出山注于洮水洮水又北翼帶三水亂流北入河地理志曰洮水北至枹罕東入河是也又東過金城允吾縣北

金城郡治也漢昭帝始元六年置王莽之西海也莽又更

允吾爲脩遠縣

何氏焯曰沈本脩作循案此字自唐以前往往相亂不可輕改

河水逕其

南又在其北南有湟水出塞外東逕西王母石室石釜西海鹽池北故闕駟曰其西卽湟水之源也地理志曰湟水所出湟水又東南流逕龍夷城故西零之地也十三州志曰城在臨羌新縣西三百一十里王莽納西零之獻以爲西海郡治此城湟水又東南逕卑禾羌海北有鹽池闕駟曰縣西有卑禾羌海者也世謂之青海東去西平二百五

水經注匯校

卷二

六

十里湟水東流逕湟中城北故小月氏之地也十三州志曰西平張掖之間大月氏之別小月氏之國范曄後漢書曰湟中月氏胡者其王爲匈奴所殺餘種分散西踰蔥嶺其弱者南入山從羌居止故受小月氏之名也後漢西羌傳曰羌無弋爰劍者秦厲公時以奴隸亡入三河羌怪爲神推以爲豪河湟之間多禽獸以射獵爲事遂見敬信依者甚衆其曾孫忍因留湟中爲湟中羌也湟水又東右控四水導源四溪東北流注于湟湟水又東逕赤城北而東入經戎峽口右合羌水水出西南山下逕護羌城東故護羌校尉治又東北逕臨羌城西東北流注于湟湟水又東逕臨羌縣故城北漢武帝元封元年以封孫都爲侯國王

莽之監羌也。謂之綏戎城非也。湟水又東。盧溪水注之。水出西南。盧川東北流。注于湟水。湟水又東。逕臨羌新縣故城南。關駟曰：臨羌新縣在郡西北八十里。湟水逕城南也。城有東西門。西北隅有子城。湟水又東。右合溜溪。伏溜石。杜蠡。四川東北流。注之左。會臨羌溪水。水發新縣西北。東南流。歷縣北。東南入湟水。湟水又東。龍駒川水注之。水右出西南山下。東北流。逕龍駒城北。流注于湟水。湟水又東。長甯川水注之。水出松山東南。流逕晉昌城。晉昌川水注之。長甯水又東南。養女川水注之。水發養女北山。有二源。皆長湍。遠發南總一川。逕養女山。謂之養女川。關駟曰：長甯亭北有養女嶺。卽浩疊山西平之北山也。亂流出峽南。

逕長甯亭。東城有東西門。東北隅有金城。在西平西北四十里。十三州志曰：六十里遠矣。長甯水又東南。與一水合。水出西山東南。流水南。山上有風伯祠。春秋祭之。其水東南。逕長甯亭。南東入長甯水。長甯水又東南。流注于湟水。湟水又東。牛心川水注之。水出西南。遠山東北。流逕牛心堆。東又北。逕西平亭。西東北入湟水。湟水又東。逕西平城北。東城卽故亭也。漢景帝六年。封隴西太守北地公孫渾邪爲侯國。魏黃初中。立西平郡。憑倚故亭。增築南西北三城。以爲郡治。湟水又東。逕土樓南樓。北倚山原。峯高三百尺。有若削。成樓下有神祠。雕牆故壁存焉。關駟曰：西平亭北有土樓神祠者也。今在亭東北五里。右則五泉注之。泉

發西平亭北鴈次相綴東北流至土樓南北入湟水湟水
又東右合蔥谷水水有四源各出一溪亂流注于湟湟水
又東逕東亭北東出漆峽山峽也東流右則漆谷常溪注
之左則甘夷川水入焉湟水又東安夷川水注之水發遠
山西北流控引衆川北屈逕安夷城西北東入湟水湟水
又東逕安夷縣故城城有東西門在西平亭東七十里關
駟曰四十里湟水又東左合宜春水水出東北宜春溪西
南流至安夷城南入湟水湟水又東勒且溪水注之水出
縣東南勒且溪北流逕安夷城東而北入湟水湟水有勒
且之名疑卽此號也關駟曰金城河初與浩鹽河合又與
勒且河合者也湟水又東左則承流谷水南入右會達扶

東西二溪水參差北注亂流東出期頓雞谷二水北流注
之又東吐那孤長門兩川南流入湟水六山名也案此四字原本
說在上亂流東出句下今考上六水出六山之溪湟水又
谷皆舉山以名其水故總釋之亦注內之小注
東逕樂都城南東流右合來谷乞斤二水左會陽非流溪
細谷三水東逕破羌縣故城南應劭曰漢宣帝神爵二年
置城省南門十三州志曰湟水河在南門前東過六谷水
自南破羌川自北左右翼注湟水又東南逕小晉興城北
故都尉治關駟曰允吾縣西四十里有小晉興城湟水又
東與閣門河合卽浩鹽河也出西塞外東入塞逕敦煌酒
泉張掖南逕西平之鮮谷塞尉故城南又東南與湛水合
水有二源西水出白嶺下東源發于白岸谷合爲一川東

南流至霧山注閣門河閣門河又東逕養女北山東南左
合南流川水水出北山南流入于閣門河閣門河又東逕
浩疊縣故城南王莽改曰興武矣闕駟曰浩讀閣也故亦
曰閣門水兩兼其稱矣又東流注于湟水故地理志曰浩
疊水東至允吾入湟水湟水又東逕允吾縣北爲鄭伯津
與澗水合水出合居縣西北塞外案出下近刻
衍縣北二字南流逕其
縣故城西漢武帝元鼎二年置王莽之罕虜也又南逕永
登亭西歷黑石谷南流注鄭伯津湟水又東逕允街縣故
城南漢宣帝神爵二年置王莽之脩遠亭也縣有龍泉出
允街谷泉眼之中水文成交龍或試撓破之尋平城龍畜
生將飲者皆畏避而走謂之龍泉下入湟水湟水又東逕

枝楊縣逆水注之水出允吾縣之參街谷東南流逕街亭
城南又東南逕陽非亭北又東南逕廣武城西故廣武都
尉治郭淮破叛羌治無戴于此處也城之西南二十許里
水西有馬蹏谷漢武帝聞大宛有天馬遣李廣利伐之始
得此馬有角爲奇故漢武帝天馬之歌曰天馬來兮歷無
草逕千里兮循東道胡馬感北風之思遂頓羈絕絆驥首
而馳晨發京城夕至敦煌北塞外長鳴而去因名其處曰
候馬亭今晉昌郡南及廣武馬蹏谷盤石上馬跡若踐泥
中有自然之形故其俗號曰天馬徑夷人在邊效刻是有
大小之迹體狀不同視之便別逆水又東逕枝陽縣故城
南東南入于湟水地理志曰逆水出允吾東至枝陽入湟

湟水又東流注于金城河。卽積石之黃河也。關駟曰：河至金城縣，謂之金城河。隨地爲名也。釋氏西域記曰：牢蘭海東伏流龍沙堆在屯皇東南四百里。阿步干鮮卑山。何云疑趙云通鑑晉紀魏冀州刺史阿薄干胡三省注魏書諸姓有阿伏干氏後爲阿氏薄伏皆與步音通轉而人又取山之號爲東流至金城爲大河。河出崑崙崑崙卽阿耨達山也。河水又東逕石城南，謂之石城。津關駟曰：在金城西北矣。河水又東南逕金城縣故城北。應劭曰：初築城得金，故曰金城也。漢書集註薛瓚云：金者取其堅固也。故墨子有金城湯池之言矣。王莽之金屏也。世本曰：鯀作城，風俗通曰：城盛也。從土成聲。管子曰：內爲之城，城外爲之郭。郭外爲之土闡。地高則溝之，下則隄之。命之曰金城。十三州

水經注匯校

卷二

志曰：大河在金城北門東流，有梁泉注之。出縣之南山。按者舊言梁暉字始娥，漢大將軍梁冀後冀誅入羌後，其祖父爲羌所推爲渠帥而居此城。土荒民亂，暉將移居枹罕。出頓此山爲羣羌圍，迫無水，暉以所執榆鞭豎地以青羊祈山神，泉湧出，榆木成林。其水自縣北流注于河也。

又東過榆中縣北

昔蒙恬爲秦北逐戎人，開榆中之地。按地理志：金城郡之屬縣也。故徐廣史記音義曰：榆中在金城卽阮嗣宗勸進文所謂榆中以南者也。

又東過天水北界

范川水出勇士縣之子城南，山東北流，歷此成川。世謂之

子城川又北逕牧師苑故漢牧苑之地也羌豪迷吾等萬餘人到襄武首陽平襄勇士抄此苑馬焚燒亭驛卽此處也又曰苑川水地爲龍馬之沃土故馬援謂與田戶中分以自給也有東西二苑城相去七十里西城卽乞佛所都也又北入于河也

又東北過武威媼圍縣南

河水逕其界東北流縣西南有泉源東逕其縣南又東北入河也

又東北過天水勇士縣北

地理志曰滿福也屬國都尉治王莽更名之曰紀德有水出縣西世謂之二十八渡水東北流溪澗縈曲途出其中

水經注匯校

卷二

三

逕二十八渡行者勤于溯涉故因名焉北逕其縣而下注河又有赤曄川水南出赤蒿谷北流逕赤曄川又北逕牛官川又北逕義城西北北流厯三城川而北流注于河也又東北過安定北界麥田山

河水東北流逕安定祖厲縣故城西北漢武帝元鼎三年幸雍遂踰隴登空同西臨祖厲河而還卽于此也王莽更名之曰鄉禮也李斐曰音賴閱疑李斐五字又東北祖厲

川水注之水出祖厲南山北流逕祖厲縣而西北流注于河河水又東北逕麥田城西又北與麥田泉水合水出城

西北西南流注于河河水又東北逕麥田山西谷案此十

本及近刻竝訛作經今考以上注文記河之西南來山左所逕至此卽經所謂東北過安定北界麥田山也

安定西北六百四十里河水又東北逕于黑城北又東北高平川水注之卽苦水也水出高平大隴山苦水谷建武八年世祖征隗囂吳漢從高平第一城苦水谷入卽是谷也東北流逕高平縣故城東漢武帝元鼎三年置安定郡治也王莽更名其縣曰鋪睦西十里有獨阜阜上有故臺臺側有風伯壇故世俗呼此阜爲風堆其水又北龍泉水注之水出縣東北七里龍泉東北流注高平川水又北出秦長城城在縣北一十五里又西北流逕東西二土樓故城門北合一水水有五源咸出隴山西東水發源縣西南二十六里湫淵淵在四山中湫水北流西北出長城北與次水會水出縣西南四十里長城西山中北流逕魏行

宮故殿東又北次水注之出縣西南四十里山中北流逕行宮故殿東又北合次水水出縣西南四十八里東北流又與次水合水出縣西南六十里酸陽山東北流左會右水總爲一川東逕西樓北東注苦水段頰爲護羌校尉于安定高平苦水討先零斬首八千級于是水之上苦水又北與石門水合水有五源東水導源高平縣西八十里西北流次水注之水出縣西北二十里如州泉東北流右入東水亂流左會三川參差相得東北同爲一川混濤歷峽峽卽隴山之北垂也謂之石門口水曰石門水在縣西北八十餘里石門之水又東北注高平川水又北自延水注之水西出自延溪東流歷峽謂之自延口在縣西北百

里又東北逕延城南東入高平川水又北逕廉城東按地理志北地有廉縣闕駟言在富平北自昔匈奴侵漢新秦之士率爲狄場故城舊壁盡從胡目地理淪移不可復識當是世人誤證也川水又北苦水注之水發縣東北百里山案此處應有訛脫流注高平川水又北逕三水縣西肥水注之水出高平縣西北二百里牽條山西東北流與若勃溪合水有二源總歸一瀆東北流入肥水又東北流遶泉水注焉泉流所發導于若勃溪東東北流入肥水又東北出峽注于高平川水東有山山東有山水縣故城本屬國都尉治王莽之廣延亭也西南去安定郡三百四十二里議郎張奐爲安定屬國都尉治此羌有獻金馬者奐召

水經注匯校

卷二

三

主簿張祁入于羌前以酒酹地田使馬如羊不以入廢使金如粟不以入懷盡還不受威化大行縣東有溫泉溫泉東有鹽池故地理志曰縣有鹽官今于城之東北有故城城北有三泉疑卽縣之鹽官也高平川水又北入于河河水又東北逕陶卷縣故城西地理志曰河水別出爲河溝東至富平北入河河水于此有上河之名也

